



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: UP-1/21-1-40-392-3/24

Datum: 27.08.2024. god.

«Agencija za vodno područje rijeke Save» Sarajevo rješavajući zahtjev podnesen od strane pravnog lica „WALD-PRODUCT“ d.o.o. Sarajevo za donošenje Rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme koka nosilja, izgrađenog na zemljištu označenom kao k.č. broj 1296 K.O. Duranovići, općina Hadžići, na osnovu člana 109. stav (2), člana 107. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98 i 48/99) d o n o s i

ZAKLJUČAK

Odbacuje se zahtjev podnesen od strane pravnog lica „WALD-PRODUCT“ d.o.o. Sarajevo, za donošenje Rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme koka nosilja, izgrađenog na zemljištu označenom kao k.č. broj 1296 K.O. Duranovići, općina Hadžići, zbog nepostupanja po obavještenju broj: UP-1/21-3-40-392-2/24 od 31.07.2024., odnosno zbog nepotpunosti dokumentacije i smatra se da nije ni podnesen.

Obrazloženje

Pravno lice „WALD-PRODUCT“ d.o.o. Sarajevo podnijelo je zahtjev ovoj Agenciji za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme koka nosilja, izgrađenog na zemljištu označenom kao k.č. broj 1296 K.O. Duranovići, općina Hadžići.

Uz zahtjev nije dostavljena potrebna dokumentacija:

Uvidom u dostavljeni zahtjev utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nije ispunjavao uvjete i kriterije propisane podzakonskim propisom iz člana 120. stav (2) Zakona o vodama («Službene novine F BiH», broj 70/06).

Obzirom da organ nije mogao postupiti po podnesenom zahtjevu, dopisom broj: UP-1/21-3-40-392-2/24 od 31.07.2024. zatraženo je od podnosioca zahtjeva da podnesak upotpuni do 12.08.2024. godine sa slijedećom dokumentacijom:

1. Ovjerenu kopiju rješenja o upisu u sudski registar i identifikacijski broj
2. Kopiju rješenja nadležnog organa o odobrenju za obavljanje djelatnosti koja je predmet postupka izdavanja vodne saglasnosti
3. Dokaz o uplaćenju upravnoj pristojbi (uplatnica): Upravna pristojba u iznosu od 70 KM. Uplaćuje se na račun broj: 102-050-00001066-98, otvoren kod "Union banka" d.d. Sarajevo, Vrsta prihoda: 722112, u korist računa javnih prihoda federalnog proračuna.
4. Kopiju rješenja o izdavanju odobrenja za građenje
5. Investiciono-tehničku dokumentaciju urađenu od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/08 i 38/12)

6. Kopija Rješenja o okolinskoj dozvoli ili potvrdu nadležne institucije da za predmetni objekat ista nije potrebna
7. Opći akt o održavanju, korištenju i osmatranju vodnog objekta i postupanju u slučaju kvara ili havarije
8. Kopiju Ugovora sklopljenog sa ovlaštenom firmom za zbrinjavanje opasnog otpada sa lokacije predmetnog objekta.

Kako podnosilac zahtjeva nije dopunio svoj podnesak do datoga roka, niti obavjestio Agenciju o razlozima nepostupanja po navedenom dopisu do dana donošenja ovog Zaključka, to je u skladu sa odredbama člana 121. stav (3) Zakona o vodama i člana 218. stav (2) Zakona o upravnom postupku, riješeno kao u dispozitivu ovog zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl. ing.građ.

Dostaviti:

- WALD-PRODUCT d.o.o. Sarajevo, Korča 1, 71244 Tarčin.
- ⊗ AVP Sava, ISV – Vodna knjiga
- Sektor 40, arhiva
- Oglasna ploča AVP Sava